



Broj: 01-266/21
Vareš, 29.12. 2021. godine

Na osnovu člana 22., a u vezi sa članom 57. stav 3. Statuta Općine Vareš – prečišćeni tekst, broj: 01-162/12 od 11.09. 2012. godine, Općinsko vijeće Vareš na 11. sjednici održanoj 29.12. 2021. godine, d o n o s i

O D L U K U

o raspoređivanju sredstava za finansiranje rada mjesnih zajednica u 2022. godini

Član 1.

Ovom Odlukom raspoređuju se sredstva za finansiranje rada mjesnih zajednica općine Vareš u 2022. godini.

Sredstva iz stava 1. ovog člana planirana su u Budžetu Općine Vareš za 2022. godinu – ekonomski kod: 613900 u iznosu od 20.000,00 KM (dvadeset hiljada konvertibilnih maraka).

Član 2.

Sredstva iz člana 1. ove Odluke raspoređuju se na način da se svim aktivnim mjesnim zajednicama općine Vareš isplaćuje po 400,00 KM (četiri stotine konvertibilnih maraka).

Sredstva iz stava 1. ovog člana mjesne zajednice koriste za finansiranje tekućih troškova (nabavku kancelarijskog materijala, plaćanje računa, izradu i ovjeru završnog računa mjesne zajednice i dr.) i rad organa mjesnih zajednica – predsjednika i savjeta (troškovi službenih putovanja: seminari, edukacije, obuke, sastanci i dr.).

Član 3.

Sredstva iz člana 2. ove Odluke isplatit će se na žiroračune mjesnih zajednica i to u dva dijela, prvi dio u prvoj, a drugi dio u drugoj polovini budžetske godine.

Za 24 (dvadeset i četiri) aktivne mjesne zajednice po osnovu iz člana 2. ove Odluke, isplatit će se ukupno 9.600,00 KM (devet hiljada i šest stotina konvertibilnih maraka).

O dodjeli sredstava Općinski načelnik donosi Zaključak.

Član 4.

Preostala sredstva na ekonomskom kodu: 613900 u iznosu od 10.400,00 KM (deset hiljada i četiri stotine konvertibilnih maraka), predstavljaju sredstva za interventno djelovanje i Općinski načelnik će ih dodjeljivati u toku budžetske godine prema pisanim zahtjevima mjesnih zajednica.

Zahtjev mora biti detaljno obrazložen uz obavezno navođenje elemenata hitnosti sa procjenom potrebnih sredstava.

O dodjeli interventnih sredstava Općinski načelnik donosi Zaključak.

Član 5.

Sredstvima iz člana 4. ove Odluke, finansirat će se hitne sanacije oštećenja na društvenim domovima, grobljima/mezarjima, spomen-obilježjima, putnoj i drugoj infrastrukturi u mjesnim zajednicama izazvanih prirodnim i drugim nepogodama.

Član 6.

Mjesne zajednice su dužne izvršiti pravdanje i dostaviti izvještaj o utrošku sredstava dodijeljenih u 2022. godini.

Izvještaj i pravdanje iz stava 1. ovog člana se dostavljaju Službi za privredu, finansije i trezor Općine Vareš najkasnije do 15. marta 2023. godine.

Mjesnim zajednicama koje ne postupe u skladu sa odredbama ovog člana, neće biti odobrena sredstva u tekućoj godini.

Član 7.

Za realizaciju ove Odluke zadužuju se Općinski načelnik, Služba za privredu, finansije i trezor i Služba za opću upravu, društvene djelatnosti i boračko-invalidsku zaštitu.

Član 8.

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš dana 30.12. 2021. godine.

OPĆINSKI NAČELNIK

Zdravko Marošević

O b r a z l o ž e n j e
Odluke o raspoređivanju sredstava za finansiranje rada mjesnih zajednica
u 2022. godini

1. Pravni osnov

Pravni osnov za donošenje ove Odluke sadržan je u člana 22. i članu 57. stav 3. Statuta Općine Vareš – prečišćeni tekst, broj: 01-162/12 od 11.09. 2012. godine

2. Razlog za donošenje

Donošenjem ove Odluke ispoštovat će se odredbe člana 57. Statuta Općine Vareš – prečišćeni tekst, broj: 01-162/12 od 11.09. 2012. godine.

3. Finansijska sredstva

Za sprovođenje ove Odluke sredstva su planirana u Budžetu Općine Vareš za 2022. godinu – ekonomski kod: 613900 u iznosu od 20.000,00 KM (dvadeset hiljada konvertibilnih maraka).

PREDLAGAČ:
OPĆINSKI NAČELNIK

Zdravko Marošević